













APOLOGIE

POVR MONSEIGNEVR

DE LVYNES.

*Impre volun des freres
du Roy y m'arrest de tounner
a montanban des deniers esles freres
memes a Amens en la citadelle*



J.

M. DC. XIX.

APOLOGIE

TOUR MONSIEUR

(see 1711)

39

326

1619

THE NEWBERRY
LIBRARY

M. DC. XIX.



APOLOGIE POVR MON-
SIEIGNEVR DE LVYNES.

I Amais des esprits brouillons ne peut
sortir que des brouillements. Les
turbulents ne seruent de rien en vn
Royaume: que pour le perdre, & le re-
duire à neant, Voila la France paisible,
alliée de deux tres-puissants Princes: on
ne songe qu'à se resiouir; on fait des
festes & ieux publics, chacun selon sa
condition, monstre vn ressentiment d'a-
legresse, chacun louë Dieu du bon suc-
cez des affaires d'Estat, & n'y a personne
entre les gens de bien, qui n'approuue le
bon gouuernement que le Roy bien cō-
seillé apporte à son Royaume. Le Clergé
fleurit: la Noblesse triomphe, le tiers
Estat est soulagé: Le Roy parmy la paix
medite quelque haut dessein, pour s'ac-
querir autant de lauriers, comme son
aage & sa vertu luy en promettent. Et ce

pendant ces pestes de Royaumes, qui dans vn regne paisible, où la iustice est en sa vigueur, ne peuuent selon leurs souhaits, venir à bout de leurspernicieux desseins, occupent tous leurs esprits, bādent tous les nerfs de leurs entendemēs, & s'employent du tout à l'ennuy l'vn de l'autre, à qui mieux mieux, imprimera dans le cœur des peuples, quelque suiet de mescontentement. Tantost trouuent suiet de reprendre les mœurs du Clergé, tantost espoissonnez d'enuie attaque la Noblesse: (Car ie ne tiens pas entre les Nobles, bien que puissans Seigneurs, ceux qui desrogeans à leur extraction, ne peuuent tirer leurs espées que contre les seruiteurs du Roy,) Tantost font à croire au peuple, que cestuy ou celuy la, est cause des impôts qu'on leur met sus, Et ne disent pas que la plus-part des impôts ne sont pris sur le peuple, que pour à force de pensions assouuir leurs insatiables auarices, & par ce moyen les empêcher de remuer. Quant à on veu leurs esprits contans? Quand les a on veu resiouis lors que la France estoit, sur le bord

de la ruine, & que tous les François pleu-
roient le malheur du siècle : Ont-il vn
Roy, bon Religieux & vaillant ? ils le
menacent de le mettre en vn Monaste-
re, & abusant de la clemence, font de
nouveaux partis contre luy : bref, sous
pretexte de sainte vnion, des vnissent
les cœurs des sujets d'avec celuy du Roy,
& en fin, ô horreur ? assouissent leurs
cruauté dans son sang innocent. O Dieu
où est ton foudre ? peus-tu voir ces cho-
ses & les endurer ? encores respirent-il, &
nous menacent de techef de nostre rui-
ne. Ont ils vn Roy, dont la dextre re-
doutée par tout, à cause de ces genereux
exploicts, les fait bon gré mal gré main-
tenir en leur deuoir ? Ils trouuent bien
tost le moyen de s'en depescher, & faire
mourir dens la ville capitall, au milieu
des pompes & des jeux celuy qui au mi-
lieu de tant d'armées, resistoit aux forces
du canon. Ont ils vn Roy mineur ; qui
deça qui delà, tantost d'un costé, tantost
d'autre, sous diuers pretextes, taschent à
troubler son repos, & à ruiner son peu-
ple.

De puis que le Roy se fust affranchy de la tyrannie de ceux, qui par ces pratiques vouloit en fin se rendre maistre du Royaume, ils estoient bien empelchez sur quel pied se tenir, voyant tout en si bon ordre, les suiets si bien vnis avec leur Prince, & le Prince si amoureux du bien de ses suiets, neantmoins que n'ont ils point fait, iusques à attenter à sa personne, & par libelles & menées secretes, arrachez du cœur des peuples l'amour qu'ils portent à leur Roy, Mais Dieu, dans la main duquel sont tous les cœurs des Roys, donnant la Sapience à nostre Salomon, luy fist recognoistre leus meschantes entreprises: Et neantmoins, encore qu'il obtienne a bon droit le nom de Iuste, sa clemence surpassa la rigueur de sa Iustice, & leur pardonna.

Or voicy derechef, abusant de la bonté de sa Maiesté, nouueaux mescontentements, nouueaux troubles, nouuelles seditions se forgent par leur moyen.

Ils ont plusieurs couuertures: l'un se plaint qu'on ne l'a point recompensé, pleust à Dieu qu'il dist vray, & qu'il fust

encor ce qu'il estoit auant Henry troi-
 iefme : Il n'auroit pas le moyen de re-
 muer, & ne seroit si hardy que dese re-
 uolter contre son bien faicteur. Sensusé
 insatiable, Tonneau des Danaydes, que
 les cruantez, les meurtres & l'auairce ne
 peuuent iamais temp ir. Le Roy trop li-
 beral, ne t'a il pas assez donné en te con-
 seruant en tes biens, lesquels par sa iustice
 il te deuoit oster : Vrayement tu te dois
 bien plaindre. tu as beaucoup perdu, de
 Seigneur que tu estois lorz que tu vins
 en son seruice, tu es deuenu pauvre Go-
 jat : Ta famille est appourie, & tu as des-
 pencé tout ton bien au seruice du Roy ?
 Hé ? combien de cœurs, vraiment Frâ-
 çois, ont librement prodigué leurs vies
 pour le seruice du Roy, dont les veufues
 & les enfans miserables, seroient bien-
 heureux s'ils auoient la moitié du pain
 que mangent tes chiens, ne murmurent
 pas contre Dieu, & ne laissent de prier
 incessamment pour sa Maiesté. Tu te
 couures de l'autorité de la royne mere.
 Je sçay que son naturel est trop bõ, pour
 vouloir rien entreprendre contre la vo-

lonté de son fils. Tu luy fais accroire ce que tu veux, mais en fin tu te trouueras trompé: Car ce qui se fera de bon, sera estimé proceder de son bon naturel, & ce qui sera sedicieux & meschant, on etouira infailliblement, comme aussi c'est la verité, qu'il prouierdra de tes dangereux Conseils. Mais que me sert-il de reproüuer ce que personne n'approuue? & de disputer contre vn homme du tout auenglé. Reuiens à toy, reuiens à toy: & songe contre qui tu leues les armes: c'est contre vn Roy, dont le nom seulement estonne toute la terre: pense-tu qu'il songe à toy, & si ce n'estoit qu'il scaie que tu ne leues des gens que pour manger son peuple, qu'il voulust enuoyer personne, pour borner ton arrogance, qu'un Preuost. La Cour de Parlement ne te pardonnera iamais, tu l'as brauée par trop de fois, il est temps desormais de mettre fin à ta presomption, & sonner la retraite de tes pernicieuses pretensions: tu as trouué vn maistre aussi rigoureux aux perfides, comme il est doux & benin enuers ceux, qui se conseruent
en leur

en leur deuoir, ne font rien que sa volō-
ré. Mais c'est assez traité de ce point,
venons à ceux qui cherchent le suiet de
remuer en blasmant les actions du Roy,
& leur montrons premierement que
tout ce que le Roy fait, doit estre estimé
bien fait, puis nous prouuerons qu'il
n'a rien fait que bien à propos, & que
s'il a montré sa liberalité à celuy qu'il
aymoit, que son iugement ne l'a point
trompé, & que c'est la vertu & la fidelité
qui le font cherir. Entre tous les Roys
du monde, le Roy de France en Nobles-
se, antiquité, vaillance, puissance & gran-
deur, passe sur tous les Roys de la terre,
& Dieu luy a telmoigné particulieremēt
qu'il auoit soin de luy, donnant à ses
predecesseurs tant de manifestes appa-
rences de l'amour qu'il leur portoit: les
Fleurs de lis enuoyées du Ciel, & l'Huile
miraculeuse, dont est sacré nostre Mo-
narque, en font foy. Dieu l'ayme, l'assiste
de son saint Esprit, & ne veut point qu'il
soit suiet à aucune puissance terrestre. Le
Roy de France dépend de Dieu seul, &
ne doit rendre comptes de ses actions à

autre qu'à luy. S'il estoit ainsi, qui fust permis à vn chacun selon son caprice, de reformer les actions du Roy, on ne verroit que melcontentemens, que guerres: c'est vne difficile chose que de regner, & bien difficile de plaire à tout le monde, s'il estoit permis à vn chacun d'Aristatquer les actions du Roy. Et quelle autorité, par dessus le commun, auroit vn prince; s'il estoit sujet à la censure de ses sujets; Non ne vous imaginez pas quand il vous seroit permis de censurer, que vous soyiez capables de reformer vn Estat, vous qui estes assez empeschez à gouverner vos petites familles.

Apprenez à obeyr, puis vous apprendrez à commander. Les sujets doivent tant aimer leur Roy, & sa presence leur doit estre si recommandable, qu'ils doivent non pas estre senteurs, mais admirateurs & adorateurs de ses actions. Si vous aimez votre Roy n'aimerez vous pas ce qu'il aime, on ne trouue rié de mauvais venant d'une personne cherie: en ce que vous vous melcontentez, il paroist bien que vous manquez de bonne volonté. Car ceux qui sont vrais seruiteurs de leur Roy rien ne les fache, rien n'est capable de les rendre melcontents, rien n'est capable de les faire murmurer con-

tre la puissance souveraine : Bref, l'on ne
trouve rien d'impossible pour son amy, à plus
forte qu'est ce qui ne nous est possible, pour
celuy à qui nous devons nos vies, nos biens &
nos enfans. Vn Pasteur qui aura nourry vne
Brebis qui luy sera obeissante, & qui l'aymera
d'une amour reciproque, ne la peut il pas nour-
rir du pain qu'il tirera de son bled, & laisser
les autres paistre l'herbe à leur plaisir, sans
toutesfois manquer à son devoir de les garder
toutes en general ? Et vn Roy florissant iuste
& triomphant, ne pourra recognoistre vn de
ses bons seruiteurs qui luy aura seruy fidelle-
ment sur tous les autres. O cruauté à qu'il fai-
le qu'un qui represente l'Image de Dieu en
terre, soit sujet à la reigle d'un fantatisme
Esprit, gouvernant les actions selon sa passion,
Non ie repete que le Roy ne despend de
personne, & qu'il peut d'un simple Ber-
ger en faire vn Gouverneur de prouince,
& reduire vn Gouverneur de Prouince,
à neant. Qui est-ce qui nous donne nos
biens ? Qui est ce qui conserue nos mai-
sons ? Qui est qui nous fait par le benefi-
ce de la p. ix, recueillir nos moissons quand
il est temps sans craindre de rien, sinon le
Roy, dont la force, iustice & la Clemence,
maintiennent toutes choses en leur de-

uoir. Vous faictes comparaison d'un
 Gentilhomme François, avec un coquin
 estrangier, & pour vos raisons vous dites
 que l'on n'a peu souffrir Conchiny, &
 pourquoy l'on souffrira cestuy-cy, ie ne
 puis endurer ces cōparaisons qui d'elles
 mesmes sont odieuses. Le Roy donne
 son bien, & la Royne donnoit celuy du
 Roy, non que ie taxe icy son bon natu-
 rel: Car si elle à fait quelque chose de
 bien il venoit d'elle, & le mal ne procé-
 doit que de son mauuais Conseil, l'un
 tyrannisoit le peuple, & extorquoit ce
 qu'il pouuoit de luy; vsoit de violence
 enuers les suiet du Roy, & taschoit d'é-
 pieter la Couronne, Cestuy-cy vse de
 douceur enuers tous, est affable à tout le
 monde, les Conseils qu'il donne au Roy
 ne tendent qu'à là paix du Royaume, &
 au soulagement du peuple: Cestui-cy
 disie ne desire que le salut du Roy, l'ac-
 croissement de sa Couronne, & la pros-
 perité de toute la France: ceux qui disent
 le contraire, disputent contre la verité,
 & ferment les yeux peur de uoir la lumie-
 re: Car ne sçauent-il pas que sa conser-

uation ne gist qu'au salut du Roy, que tout son bien ne viét que de la liberalité de sa Majesté, qu'en le conseruant il se conserue soy mesme. On ne peut mieux iuger des choses que par les effects. Tant que ce tyran à vsurpé la souueraine puissance, combien de iours auons nous eu la paix? tout estoit trouble, il n'y auoit ny aux champs ny en la ville pas vn lieu de seureté: les Bourgeois tous les iours s'attendoient d'estre assassinez, les Laboureurs qui auoient tant soit peu de bien, se preparoient, se leuant le matin, d'estre pillés au soir. Si dans Paris il y auoir quelqu'un dont on eut le moindre soupçon qu'il fust François, aussi tost pris & mort entre quatre murailles: Les Gentilshommes qui auoyent monsté le moindre signe d'affection au Roy, s'ils estoient descouuerts, n'esperoient rien de meilleur que porter leur teste en Greue. Depuis sa mort? quel est le Bourgeois qui se plaigne qu'on l'ait battu? quel Villageois à esté ruiné? quelle leuée de deniers extraordinaires a esté faite, quel seruiteur du roy peut dire qu'on luy aye

retenu sa pension. En fin tout n'est il pas
paisible & pacifique : chacun n'est il pas
content : l'appelle des François : car l'en
mets hors du nombre les brouillons &
pestes de Royaume. La Noblesse est bra-
ue, magnifique, & s'estime heureuse de
seruir vn si grand Roy : Le peuple te res-
iouyt sous vn siecle si doux & benit, in-
cessamment l'Auteur de nostre repos,
qui est le Roy.

Venons maintenant au second point,
Pourquoy voudriez vous que le Roy
fut si contraint, qu'il ne peut recompen-
ser par quelque signe d'amitié vn qu'il l'a
merité : Ouy merité, quelle peine pen-
sez vous que ce soit. qu'à eu ce Seigneur
au service de son Prince : quels soins,
quelles inquiétudes, Celuy qui ayme vn
Roy & qui tache à le conseruer, ne peut
pas dormir vne nuit entiere : le moi-
ndre bruit l'estonne, le moindre songe
qu'il fait de son Roy, luy donne crainte,
& n'est iamais si heureux que quand il le
void, encore craint il tousiours qu'il ne
luy arriue mal, vous ne ignorez pas, c'est
vostre meschanceté qui vous fait croire

autrement. Car si vous ne sçavez que c'est qu'aymer vn Roy, est il possible que vous n'ayez iamais aymé vn particulier. Trouuez vous estrange qu'un Prince ayme & a grandisse celuy qui le cherit de tout son cœur: Et à quoy seruiroit la vertu s'il n'estoit point permis de le récompenser. Qu'est ce que le Roy en cecy fait autre chose qu'Alexandre, qui cherissoit si ardamment son fidelle Ephestion & Craterus, les histoires sont pleines des biens qu'il leurs a faicts, à cause de leur vertu, & de leur amour reciproque, si que l'on appelloit l'un Philalexandre, & l'autre Philobasile, qui est à dire, l'un qui ayme Alexandre, & l'autre qui ayme le Roy, Lesquels deux personnages sont bien representez en la personne du Fauiory de nostre Prince, qui prefere son bien au bien public, & mesprise sa vie, pour conseruer celle de son Prince.

In me calumnias molire definas neque amplius asperitate & minis mecum vtare. Sin perseveraueris, scito haud magnæ curæ mihi eam rem fore: cum (vti nouisti) Alexander æquitate omnibus præstet. Diodorus lib. 17.

F I N.

